

E PLUMA DI CARNAVAL

Awe temporada di carnaval 66 ta cuminza



== Carnaval 1984. Eleccion di reina infantil di carnaval 1984. Robez pa drechi Valerie Simon (Paradera), Chastity Hodge (Bonaire Club), Liesenny Geerman (Club Estrella), Rocheline Roos (Pos Chiquito), Hildegard Gernser (San Nicolaas), Marylaine Kock reina infantile 1983 Sta Cruz), Zuleima Bikker (Santa Cruz)
Foto: Marylaine Kock



== Carnaval 1984. Celebracion 30 anja di carnaval. Viveca Solognier representando MAO school a bira e 2nd runnerup pa reina carnaval, hunto cu Prins Sorpresa Roy Lints y Pancho Loco Jeffrey Schuilenburg.
Foto: Viveca Rincones



== Carnaval 2001. President di SAC, Sr. Milo Creos (q.e.p.d) cu Prins Compa y Pancho Nashi cu prins y pancho juvenile y infantile cu reina infantile Chanelle Fortin y Sra. Carnaval 2001 Elsa Krozendijk. Foto Vladimir de Cuba



Aikiska Pietersz y Rossini van Wijk cu nan bunita trahenan carnavalesco pa carnaval 50.

*** Awe 11 di November ta cuminza e temporada di carnaval. E aña aki ta celebra Carnaval 66 y ta cuminsa di 11 November y ta termina 25 Februari 2020. E temporada ta cuminza cu lanzamiento di e jingle di carnaval cu lo tuma lugar awemainta 10'or na RBC Sasaki.

*** Y awenochi tin e celebracion di Legends festival den Carnival Village cumizando di 6'or pa 1'or di marduga. Lo tin animacion di Brassband, DJ Splash, DJ White Boy, Buleria, Tsunami y Le Groove.

*** E aña aki tambe e organizacion tin un directive nobo cu a prepara un calendario carnavalesco amplio pa e temporada aki.

*** Por a mira riba Facebook cu mayoria di e gruponan di carnaval ta

preparando caba y ya nan tin nan disenonnan di trahenan cla pa asina contribui grandemente un biaha mas na nos dushi carnaval.

*** E prome actividad pa aña 2020 ta cuminza dia 4 Januari cu asina yama parade di flambeau.

*** Y manera ya a wordo anuncia mayoria di e eventonan lo tuma lugar den Aruba Carnival Village.

*** Algo notable cu a mira riba e schedule tambe ta cu lo bay tin un anochi final di Caiso Monarch y un anochi final di Soca Monarch. Mas despues lo haya mas informacion di e dos anochi aki.

*** E seccion aki "E pluma di carnaval" lo trata pa trece tur informacion di carnaval y tambe cubri e actividadnan carnavalesco. Y tambe lo bay tin tambe un seccion "Recordando nos dushi carnaval" danki na e colaboracion di Rossini van Wijk cu tin un coleccion amplio di recuerdonan di carnaval. Pa informacionannan di carnaval por



== Carnaval 1975. E carozo di Reina Juvenil di Aruba Tivoli Lilly Arends. Foto Johnny Barroso

mande na email: agenda@diario.aw of whatsapp 5929684.

Y for di awor un feliz temporada carnaval na henter pueblo di Aruba.

Por manda tur informacion di carnaval na:

EMAIL: agenda@diario.aw

DIARIO WHATSAPP: 5929684